


## O le ā lenei siama/fa'ama'i o le Korona COVID - 19?

O le siama o le korona COVID - 19 e fou, e le'i a'afia muamua ai se tagata soifua. O le fa'ama'i e mafua mai se siama o auai o siama tetele o le korona - viruses e aafia ai ma siama o le fulū & fa'ama'i e pei o le Middle-East Respiratory Syndrome ma le Severe Acute Respiratory Syndrome sa a'afia ai le lalolagi i le tausaga 2003 ma le 2013. O le siama/ fa'ama'i o le korona e mafai ona pipisi mai le tagata ua a'afia i le tagata e le'i a'afia.



## O a āuga o le fa'ama'i/siama o le Korona (Novel coronavirus) e muamua ona alia'e?



FIVA



TALE



FAIGATA  
ONA  
MĀNAVA

## O a a'afiaga ogaoga o lenei fa'ama'i?

- A'afia māmā ma maua i le nimonia
- A'afia ala mānava
- Ma o'o atu ina maliu

## E fa'apefea ona pipisi siama o lenei fa'ama'i?

E pipisi atu siama o le Korona pe a;

- Feso'ota'i vavalalata ma le tagata ua a'afia i le Novel Coronavirus
- Pipisi atu fāua ma fatu tale o le tagata ua a'afia i le tagata e le'i a'afia pe a tale ma mafatua.
- Pe a tagofia moega ma vaega sa tausi ai le gasegase o le tagata ua a'afia i le fa'ama'i o le Korona (Novel Coronavirus. E mafai ona pipi'i siama i lima, lavalava ma isi mea faitino ma a'afia ai le tagata e le'i a'afia.

E a'afia le tagata i siama o lenei fa'ama'i pe a le tausisia vaega uma o le tumamā lautele.

## E fa'apefea ona puipui oe mai le a'afia i lenei fa'ama'i?

- Aua le latalata i autafa o tagata ua masalomia ua a'afia i le siama po'o nisi fa'ama'i fulū & taumamao mai nofoaga faitele.
- Fufulu mamā lima i se fasimoli ma vai mamā po'o se vailaau fufulu lima i le 20 - 30 sekone.

- Fa'aaogā se pepa tali fofoga e pupuni ai le gutu ma le isu pe a auai i nofoaga e tumutumu ai tagata.
- Lafoa'i vave le pepa solo sa fa'aaogā i le lapisi.
- Pupuni le fofoga i se solosolo mamā po'o se pepa solo pe a mafatua pe tale.
- Aua le pa'i i foliga (isu ma le gutu) pe afai e te le mautinoa ua fufulu ou lima.
- Tatā mamā ma fa'amamago solosolo sa fa'aaogā i aso uma.
- Fa'amamā vaega uma o lo'o gasegase ai taumafa i aso uma.
- Fa'avela taumafa aemaise a'ano o manufasi ma fuāmoa.
- Vave vaai se foma'i po'o se tausi soifua mo se fesoasoani pe afai ua maua oe i le fulū, tale ma faigata ona mānava.

## E SILI LE PUIPUIA I LO LE TAU TOGAFITIA